

10. Data de envío ao DOUE: 4 de agosto de 2008.

11. Gastos de anuncios.

O importe do anuncio será por conta do adxudicatario.

Santiago de Compostela, 5 de agosto de 2008.

P.D. (Orde 12-8-2005)

Alberte Souto Souto

Secretario xeral da Consellería de Medio Rural

Edicto do 14 de xullo de 2008, do Xurado Provincial de Clasificación de Montes Veciñais en Man Común de Ourense, polo que se resolve o expediente de clasificación do monte coa denominación de Castelo Medela, por solicitude dos veciños de Medela, no concello do Carballiño (Ourense).

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e de conformidade co disposto no artigo 60.1º da Lei 30/1992, do 26 de novembro, de réxime xurídico das administracións públicas e do procedemento administrativo común, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar o 2 de xullo de 2008, adoptou a seguinte resolución:

Visto o expediente de clasificación como veciñal en man común do monte denominado Castelo Medela, tramitada por solicitude dos veciños de Medela, concello do Carballiño, resultan os seguintes

Feitos:

Primeiro.-Con data do 31 de marzo de 2003 tivo entrada no rexistro da Delegación Provincial da Consellería do Medio Rural escrito dirixido ao Xurado Provincial de Clasificación de Montes Veciñais en Man Común de veciños de Medela, concello do Carballiño, en que solicitan a clasificación como veciñal en man común do devandito monte a favor dos veciños de Medela.

Segundo.-Con data do 16 de outubro de 2007 o xurado provincial acorda iniciar o expediente de clasificación como veciñal en man común do referido monte, designando instructor e procedendo a realizar as comunicacións e publicacións a que fan referencia os artigos 20, 21 e 23 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período dun mes para a práctica de alegacións.

Terceiro.-No prazo concedido para a práctica de alegación non consta que se presentase ningunha.

Cuarto.-O monte obxecto de clasificación, de acordo coa documentación que consta no expediente, descríbese así:

Concello: O Carballiño.

Denominación do monte: Castelo-Medela.

Comunidade veciñal solicitante: veciños de Medela.

Superficie : 22,74 ha.

Lindeiros:

Norte: Arturo García Bernandez, Manuel Pérez Pereira, Camilo Pérez Docabo, descoñecido, Eligio Docabo Romero, Flora Gamallo Docabo, Perfecto Ferreiro González, Matilde Reinoso González e termo municipal do Irixo.

Sur: camiño comarcal.

Leste: veciños de Esgueva e camiño forestal.

Oeste: veciños de Batallás e termo municipal do Irixo.

Fundamentos de dereito:

Primeiro.-O Xurado Provincial de Clasificación de Montes Veciñais en Man Común é órgano competente para coñecer os expedientes de clasificación dos montes que teñan tal carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo.-De conformidade co disposto no artigo 1 da devandita lei «son montes veciñais en man común os que, con independencia da súa orixe, as súas posibilidades produtivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade sen asignación de cotas os membros daquelas na súa condición de veciños».

Terceiro.-É reiterada doutrina da Sala Contencioso-Administrativa do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento aos veciños integrantes dun grupo social determinado, independentemente da súa cualificación ou non como entidade administrativa; correspondendo constatar o aproveitamento e atribuír a titularidade a favor do grupo social que o veña desfrutando ao Xurado Provincial de Clasificación.

Cuarto.-O carácter de monte veciñal en man común tense acreditado mediante os testemuños dos veciños solicitantes e as actuacións realizadas polo

Servizo de Montes e Industrias Forestais, sen que durante a tramitación do procedemento se producise ningunha reclamación de titularidade distinta.

En consecuencia co que antecede, vista a Lei 13/1989, do 10 de outubro, de montes veciñais en man común, o seu regulamento, aprobado polo Decreto 260/1992, do 4 de setembro, o Decreto 562/2005, do 1 de decembro, polo que se establece a estrutura orgánica da Consellería do Medio Rural, e demais normativa legal e regulamentaria, o xurado provincial, por unanimidade dos seus membros,

RESOLVE:

Clasificar como monte veciñal en man común a favor dos veciños de Medela, o monte coa descrición reflectida no feito cuarto.

Contra esta resolución, que pon fin á vía administrativa, poderase interpoñer recurso potestativo de reposición ante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso administrativo ante o Xulgado do Contencioso-Administrativo de Ourense, no prazo de dous meses contados desde o día seguinte ao desta notificación, de acordo co disposto no artigo 12 da Lei 13/1989 (citada), nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa.

Ourense, 14 de xullo de 2008.

Xosé Rodríguez Cid

Presidente do Xurado Provincial de Clasificación de Montes Veciñais en Man Común de Ourense

Edicto do 14 de xullo de 2008, do Xurado Provincial de Clasificación de Montes Veciñais en Man Común de Ourense, polo que se resolve o expediente de clasificación dos montes coa denominación de Freixo, Prado do Medio, Bardelo, Xuncal, Poza da Veiga, Xuguíños e Barral de Arriba, por solicitude dos veciños de Serantes, no concello de Leiro (Ourense).

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e de conformidade co disposto no artigo 60.1º da Lei 30/1992, do 26 de novembro, de réxime xurídi-

co das administracións públicas e do procedemento administrativo común, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar con data do 2 de xullo de 2008, adoptou a seguinte resolución:

Visto o expediente de clasificación como veciñal en man común dos montes denominados Freixo, Prado do Medio, Bardelo, Xuncal, Poza da Veiga, Xuguíños e Barral de Arriba, tramitada por solicitude dos veciños de Serantes, concello de Leiro, resultan os seguintes

Feitos:

Primeiro.-Con data do 12 de xuño de 2000 tivo entrada no rexistro da Delegación Provincial da Consellería do Medio Rural escrito dirixido ao Xurado Provincial de Clasificación de Montes Veciñais en Man Común de veciños de Serantes, concello de Leiro, en que solicitan a clasificación como veciñal en man común do devandito monte a favor dos veciños de Serantes.

Segundo.-Con data do 30 de maio de 2001 o xurado provincial acorda iniciar o expediente de clasificación como veciñal en man común do referido monte, designando instrutor e procedendo a realizar as comunicacións e publicacións a que fan referencia os artigos 20, 21 e 23 do regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, abrindo un período dun mes para a práctica de alegacións.

Terceiro.-No prazo concedido para a práctica de alegación non consta que se presentase ningunha.

Cuarto.-O monte obxecto de clasificación, de acordo coa documentación que consta no expediente, descríbese así:

Concello: Leiro (Ourense).

Denominación dos montes: Freixo, Prado do Medio, Bardelo, Xuncal, Poza da Veiga, Xuguíños e Barral de Arriba.

Comunidade propietaria: veciños da parroquia de Serantes.

A superficie total obxecto de clasificación comprende sete (7) montes coa seguinte descrición:

Nome do monte: Freixo.

Superficie: 1,56 ha, aproximadamente.

Lindeiros:

Norte: predios particulares de Alejandro Blanco Martínez, Benjamín López Rodríguez, Antonio Nogueiras Rodríguez e Mª Luisa López Simón e regato do Foxón.

Sur: estrada de Paredes a Lebosende.

Leste: predio dos veciños de Lebosende.